

dioeceseos Moguntinae suffraganeorum commemorauit. Nec diuersum a nostro esse videtur Chronicum manuscriptum in Bibliotheca Fratrum Eremitarum Conuentus Moguntini, cuius auctioritate Ioannis in *Commentario ad Serrarii Res Moguntiacas* plus simplici vice 9) usus est, verba enim ex illo prolata per omnia conspirant cum iis, quibus eadem res in nostro narrantur, quamquam in paginis inter se discrepent. Quia vero nostrum, vti ex omnibus apparet, est verum auctoris autographum, sequitur, vt Patres isti nudo vtantur apographo. Doleo perdoleoque adversam illustris et meliore digni Chronographi fortunam, qua quinque eius Volumina, Deus nouit, quot quasue in oras? dispersa in obscuro circumuagantur aut forte reliqua quatuor turi vel piperi inuoluendo insumta sunt. Evidemt lubens et aequissimis conditionibus primum et totius operis princeps Volumen essem relictrus, si reliqua Volumina in tabulario vel bibliotheca quadam superessent siveque omnia recollecterentur, quo facto vtiique esset optandum, vt coniunctim prelo mandarentur, quoniam de variis Archidioeceseos Moguntinae Episcopatibus parum aut nihil, quod historiae nomine dignum, adhuc habemus.

OBSERVATIO VI.

De Nicolao de Syghen eiusque Chronico Thuringiae.

Huius quoque Chronicus in Observationibus I. et II. et forsan alibi fecimus mentionem, hinc non abs re fore duximus, si et illud paulo accuratius describeremus. Seruat eius autographum Archivum Ducale, cui Serenissimi Ducis Saxo-Vinariensis gratia non sine

H 3

volupta-

9) e. g. S. R. Mogunt. Tom. I. p. 536. §. VII. not. 4) p. 537. §. X.
n. 1) &c.